

Jan van Nes a wordo nombra gerente general di Blue Residences

ORANJESTAD - Alberto Perret Gentil, na number di Grupo Pering, desaroyado di e exitoso Oceania Condominium Project na Eagle Beach a anuncia cu a nombra di sr. Jan van Nes como gerente general di Blue Residences. Van Nes, un veterano di industria, cu a hunga un rol principal denter di turismo cu su ocupacion na Aruba Tourism Authority y Aruba Timeshare Association, como tambe encabesando propiedadnan individual na varios resort, lo asumi su posicion nobo formalmente como gerente general na Blue Residences desde 1 di November, 2013.

"Nos ta sinti hopi fortuna di por a contrata Jan como gerente general di Blue Residences. Su trayectoria den hospitalidad y experiencia amplio den turismo, acopla na e reputacion cu el a adkiri den transforma Playa Linda Beach Resort den un di e miho timeshare resort di e isla, a converti Jan den un candidato ideal," asina Vice Presidente di PGM Alberto Perret-Gentil a comenta. "Jan su enfoke practico y habilidad pa entrega un producto di calidad na propietario nan lo sigura un lansamento exitoso di Blue Residences como e prome condo hotel na Aruba." Pa e ultimo diestres aña, Jan van Nes tabata conoci como e gerente general innovativo di Playa Linda Beach Resort, trahando atraves di Jan & Co Management Co. N.V., hunto cu socio Jan Leysner. Anteriormente, Jan van Nes a ocupa posicionnan como director na Aruba Tourism Authority (5 aña), miembro di hunta di directiva na Aruba



Beach Club y Casa del Mar (4 aña) y gerente general manager na Aruba Beach Club y Casa del Mar (5 aña). Cu Holiday Inn International, el a traha como assistant gerente ehecutivo na Costa Rica (1½ aña), F&B director na Acapulco, Mexico (3 aña) y F&B manager na Lagos, Nigeria (1½ aña), prome bolbe Aruba y traha na Holiday Inn Aruba na 1976. Van Nes tin diploma den hospitalidad di Hotel School di Maastricht, y den ley for di Universidad di Aruba. Jan van Nes tambe tabata instrumental den funda e Aruba Hospitality & Security Foundation, rebiba e Aruba

Timeshare Association y, hunto cu e Minister di Turismo, formalisa e Tourism Product Enhancement Fund (TPEF) na 2010.

"Despues di dedica 13 y pico na Playa Linda, mi tabata cla pa un reto nobo. Blue Residences presenta un oportunidad unico pa implementa ideanan mi tabata tin na mente pa hopi aña," Jan van Nes a bisa. "Mi a haya socionan ideal den Alberto y Irwin Perret-Gentil. Mi ta aprecia nan compromiso den ofrece un producto cu ta resalta den e inventario di camber na e isla."

Blue Residences actualmente ta bou desaroyo, cu e debut di

su prome toren – consistiendo di 2 penthouse di 5 camber, 4 penthouse di 4 camber, y 12 unidad di 3 camber y 24 unidad di 2 camber, pa un total di 42 unidad – proyecta pa habri na Februari, 2014. Un di dos toren ta proyecta pa habri na mei di 2014, mientras cu un di tres toren lo habri na maart 2015. Unabes completa, Blue Residences lo broma cu 120 unidad. Blue Residences tambe lo estrena dos piscina grandi, un Spa di luho, un restaurant di nivel halto, un mini-market/ deli, y un agencia di huur auto. Cu servicio di conciérge lo keda provee di acuerdo cu normanan di Preferred Hotels standards,

na cual Blue Residences ta afilia. Setenta por ciento di e inventario di e tres torennan di Blue Residences ya caba ta bendi.

Hotelnan condominio ta consisti di unidadnan cu ta bendi na inversionistanan individual cu por uza nan unidad como un cas di vacacion ki ora cu nan ta desea. Ora propietario nan no ta uzando nan unidad, nan tin e opcion di ofrece esaki via un programa organisa di huur, maneha pa e operador di e hotel. Mas informacion di Blue Residences, ubica entre Divi Phoenix y Amsterdam Manor, por ser haya na www.bluearuba.com